

四庫全書

史部

欽定四庫全書

尚史卷十二

世家五

鑲白旗漢軍李銘撰

齊世家

始武王十三年終安王二十三年凡七百四十四年傳二十八世

太公 丁公 乙公 癸公 哀公 胡公

太公是為師尚父武王已平商而王天下封師尚父于齊營邱及成王少時管蔡作亂淮夷畔周乃使召康公命太公曰東至海西至河南至穆陵北至無棣五侯九

伯實得征之齊繇此得征伐為大國都營邱太公之薨

百有餘年子丁公呂伋即位丁公薨

正義謚法述義不克曰丁按以丁

為謚則乙公癸公又何說乎蓋猶用殷法以生日名子作謚非

子乙公得即位乙公薨

子癸公慈母即位

系本作祭公古史考作祭公慈心

癸公薨子哀公不

辰即位

世本作不臣宋袁曰哀公荒淫田游史作還之詩以刺之

哀公時紀侯譖之

周夷王王烹哀公而立其弟靜是為胡公

史記

太公封于營邱比及五世皆反葬于周

史記

胡公徙都薄姑獻公山襲殺之

史記

自胡公以上其年皆莫可考

獻公 武公 厲公 文公 成公 莊公

獻公名山哀公同母少弟周夷王烹哀公而立胡公厲
王時山怨胡公乃與其黨率營邱人襲攻殺胡公而自
立是為獻公獻公元年盡逐胡公子因徙薄姑都治臨
菑九年公薨謚曰獻子武公即位武公名壽武公九年
厲王出奔居彘十年王室亂大臣行政號曰共和二十
四年宣王初立二十六年公薨謚曰武子厲公即位厲

公名無忌厲公九年暴虐故胡公子復入齊齊人欲立之乃與攻殺厲公胡公子亦戰死齊人乃立厲公子赤為君而誅殺厲公者七十人謚公曰厲

世家無年用年表

公子

赤立是為文公文公十二年薨謚曰文子成公即位成

公名脱

系本古史考並作說

成公九年薨謚曰成子莊公即位莊

公名購

系家系本並作贖

莊公十三年宣王崩幽王立二十四

年犬戎殺幽王周東徙雒六十四年公薨謚曰莊

史記

僖公

以下春秋

僖公名祿父莊公子莊公薨僖公即位九年魯隱公初

立史記

十一年

年 隱三

春三月平王崩桓王立冬十二月公及鄭

伯盟于石門

先是與鄭盟于盧此復尋盧之盟

十四年

年 隱六

夏五月公

會魯公盟于艾十五年

年 隱七

夏使弟夷仲年如魯聘十

六年

年 隱八

春將平宋衛秋公會宋公衛侯于溫盟于瓦

屋八月鄭伯以我朝王

瓦屋周地鄭莊公以公在周地故以我朝王

十七年

年 隱九

宋不王王命伐宋冬公會魯公于防謀伐宋十八

年隱十春正月公會魯公鄭伯于中邱盟于鄧夏五月

會伐宋六月復會于老桃敗宋師冬及鄭入郕討違王命不會

伐宋十九年隱十秋七月公會魯公鄭伯伐許入之二十

二年桓三春正月公會魯公于嬴成昏于我也夏公及衛侯

胥命于蒲秋七月魯公子翬來逆女公送姜氏于謹魯

公來會冬夷仲年如魯聘二十四年桓五夏公及鄭伯

朝于紀欲襲紀紀人知之二十五年桓六夏北戎伐我我乞師

于鄭六月鄭敗戎師諸侯使大夫來戍二十六年桓七

秋及鄭衛伐盟向

二邑名

二十九年

桓十年

冬公及衛鄭戰

魯于郎三十年

桓十一年

及衛鄭宋盟于惡曹三十二年

桓十年

三年春二月魯公紀侯鄭伯及我與宋衛燕戰我師宋師

衛師燕師敗績三十三年

桓十四年

冬十二月公薨

左傳

謚曰僖在位三十三年

襄公

襄公名諸免僖公子僖公薨襄公即位元年

桓十五年

春三

月桓公崩莊王立夏四月葬僖公六月公會魯公于艾

謀定二年桓十年冬衛惠公來奔左公子洩右公子職立公子黔牟故三年

桓十七年春正月公會魯公紀侯盟于黃平齊紀且謀衛夏及魯師

戰于奚疆事也四年桓十八年春正月公會魯公于濼遂及文

姜來公通焉魯公謫文姜文姜以告夏四月享魯公使

公子彭生乘魯公魯公卒于車魯人來讓我殺彭生鄭

高渠彌弑昭公立公子亹秋公師于首止殺子亹而轅

高渠彌五年莊元年春三月魯文姜來奔冬王姬歸于我

我師遷紀邾鄆邾欲滅紀故六年莊二年秋七月王姬卒

邾其三邑

冬十二月公會魯文姜于禚

文姜還魯
經傳不書

七年

莊三

春會

魯師伐衛秋紀季

紀侯弟

以鄆入于我

我欲滅紀故
季以邑入齊

八年

莊四

春二月魯文姜享公于祝邱夏公及陳侯鄭伯遇

于垂紀侯大去其國

連齊
難也

九年

莊五

夏魯文姜來我師

冬會魯宋陳蔡伐衛納惠公十年

莊六

冬歸衛寶于魯

文姜請
之也

十一年

莊七

春魯文姜會公于防冬復會于穀

十二年

莊八

夏師及魯師圍邾邾降于我冬十二月公

游于姑棼遂田于貝邱見大豕從者曰公子彭生也公

怒曰彭生敢見射之豕人立而啼公懼隊于車傷足連

稱管至父弑公而立公孫無知

左傳

謚曰襄在位十二年

桓公

桓公名小白僖公之庶子其母衛女也

史記

初襄公之立也無常小白出奔莒及亂作公子糾奔魯

齊人立公孫無知桓公元年

莊九年

春雍廩

齊大夫

殺無知

夏魯伐我納子糾小白自莒先入立是為桓公

史記雍林人襲殺無知告齊大夫曰更立公子之當
立者初襄公殺誅數不當羣弟恐禍及故弟糾奔魯
管仲召忽傅之弟小白奔莒鮑叔傅之小白少好善
大夫殺無知高國先陰召小白魯亦發兵送子糾而
使管仲別將兵遮莒道射中小白帶鉤小白佯死管
仲使報魯魯送糾者行遲六日至齊小白已入立為
桓公桓公載溫車中馳行又有高國應故得先入立
呂氏春秋同管子襄公逐小白小白走莒襄公薨公

子紆踐位國人名小白小白曰不可管仲知名忽疆
武鮑叔曰管仲得行其志于國國可謂亂乎召忽疆
武豈能獨圖我哉乃命車駕鮑叔御小白乘而出于
莒至于邑郊鮑叔令車二十乘先十乘後乃誓曰事
之濟也聽我令事之不濟也免公子者為上死者為
下吾以五乘之實距路鮑叔乃為前驅遂入國逐公
子糾管仲射小白中鉤管仲與公子糾召忽遂走魯
魯伐齊納公子糾而不能

秋七月葬襄公八月我及魯師戰于乾時魯師敗績鮑叔牙帥師如魯曰子糾親也請君討之管召讐也請受而甘心焉乃殺子糾于生竇召忽死之管夷吾請囚鮑叔牙受之及堂阜而稅之歸而以告曰管夷吾治于高俟使相可也公從之

左傳

國語桓公反于齊使鮑叔為宰辭曰非臣之所能也若必治國家者則管夷吾乎公曰管夷吾射寡人中鉤是以濱于死對曰夫為其君動也君若宥而反之

夫猶是也公曰施伯魯之謀臣也知吾將用之必不予對曰使人請諸魯曰寡人有不令之臣在君之國欲以戮于羣臣固請之則予我矣公請諸魯施伯曰非欲戮之也欲用其政也令彼在齊必長為魯國憂矣殺而以其屍授之將殺管仲使者請曰寡君欲生為戮若不得猶未得請也于是束縛以予齊史記管子呂氏春秋畧同

桓公既得管夷吾與鮑叔牙隰朋高傒修齊國政連五

家之兵設輕重魚鹽之利

輕重錢也又有捕魚煮鹽法

以贍貧窮祿

賢能齊人皆說

史記

二年

莊十年

春伐魯魯敗我師于長勺夏六月我師宋師

次于郎魯敗宋師于乘邱我師乃還冬滅譚譚子奔莒

公子出也過譚譚不禮焉及人諸侯皆賀譚又不至

三年

莊十一年

冬公如魯逆王姬

即共姬桓公夫人

四年

莊十二年

莊王崩僖王立五年

莊十三年

春公及

宋陳蔡邾會于北杏以平宋亂

宋弑閔公故衣裳之會一

遂人不至

夏滅遂而戍之冬公會魯公盟于柯

左傳

魯將盟曹劌以匕首刼公于壇上曰反魯之侵地公許之已而曹劌去匕首北面就臣位公後悔欲無與魯地而殺曹劌管夷吾曰夫刼許之而倍信殺之愈一小快耳而棄信于諸侯失天下之援不可于是遂與魯地諸侯聞之皆信齊而欲附焉

史記

史又曰五年伐魯魯將師敗公獻遂邑以平又曰與曹沫三敗所亡地國策亦曰三戰之所亡一朝而復之按遂國名舜後以不會北杏故滅之非魯邑也且

長勺郎之師魯皆勝無三敗事史誤又曹沫事傳不載公羊穀梁呂氏春秋皆有之

宋背北杏之會六年

莊十年四年

春諸侯

齊陳曹

伐宋我請師于

周夏單伯會之取成于宋而還冬公會單伯及諸侯

齊宋

衛于鄆

宋服故衣裳之會二

七年

莊十年五年

春公復會諸侯

宋陳衛鄭

于鄆

齊始霸

衣裳之會三

秋諸侯為宋伐鄆

鄆附庸屬宋而叛故

鄭人間之

而侵宋八年

莊十年六年

夏諸侯

宋齊衛

伐鄭冬十二月公會諸

侯

宋陳衛鄭許滑滕魯

同盟于幽

鄭成故衣裳之會四

九年

莊十年七年

春執鄭詹

鄭大夫鄭夏遂人饗我戎醉而殺之我戎殲焉穀梁逆之囚民

不朝齊故而殺之僖王崩惠王立十一年莊十九年秋公及宋公魯公

子結盟于鄆冬我及宋陳伐魯西鄙微者會鄆盟故十二年莊二

十年夏大災冬伐戎十四年莊二十年春陳公子完來奔秋

七月高侯及魯盟于防冬魯公來納幣十五年莊二十三年

夏魯公來觀社公及魯公遇于穀冬十二月公會魯公

盟于扈十六年莊二十四年夏魯公來逆女十八年莊二十六年

秋我會魯宋伐徐十九年莊二十七年夏六月公會諸侯魯宋

陳鄭

同盟于幽

陳鄭服故衣裳之會五

冬公會魯公于城濮二十年

莊二十八年

春公伐衛敗衛師數之以王命取賂而還秋荆

伐鄭我會魯宋救鄭二十二年

莊三十一年

秋七月降鄆

紀附庸國

冬公及魯公遇于魯濟

謀山戎以其病燕故左傳

山戎伐燕燕來告急公救燕遂伐山戎至于孤竹而還

燕莊公送公于齊境公曰非天子諸侯相送不出境吾

不可以無禮于燕于是分割燕君所至與燕命燕君復

修召公之政納貢于周如成康時諸侯聞之皆從齊

史記

管子桓公北伐孤竹至卑耳之谿十里援弓將射引而未敢發謂左右曰見是前人乎對曰不見也公曰事其不濟乎寡人見人長尺而人物具焉冠右祛衣走馬前疾事其不濟乎管仲對曰臣聞登山之神有俞兎者長尺而人物具焉霸王之君興而登山神見且走馬前疾道也祛衣示前有水也右祛衣示從右方涉也至卑耳之谿贊水者曰左方涉深及冠右方涉深至膝右涉其大濟桓公立拜管仲于馬前曰仲

父之聖至若此管子桓公曰天下之國莫強于越今寡人欲北舉事孤竹離枝恐越人之至為此有道乎管子對曰君請遏原流大夫立沼池以矩游為樂則越人安敢至桓公曰行事奈何對曰請以令隱三川立員都立大舟之都大身之都有淵深壘十仞令曰能游者賜千金未能用金千齊民之游水不避吳越桓公終北舉事于孤竹離枝越人果至隱曲薈以水齊管子有扶身之士五萬人以待戰于曲薈大敗越

人按是時越為小國未嘗見諸經何得有敗越事
又伐孤竹而備越亦不相及矣韓非子有老馬知道
蟻壤得水事見隰朋傳

二十三年

莊三十一年

夏六月公如魯獻戎捷

說苑桓公將伐山戎使人請助于魯魯許助之而不
行齊已伐山戎而欲移兵于魯管仲曰不可伐遠而
還誅近鄰鄰國不親非霸王之道君所得山戎之寶
器不可不進周公之廟乎桓公乃分山戎之寶獻之

周公之廟明年起兵伐莒魯下令丁男悉發五尺童

子皆至 伐莒事未聞

二十四年

莊三十
二年

春公為楚伐鄭之故請會于諸侯宋

公請先見夏遇于梁邱冬十月魯莊公子慶父弑

子般慶父來奔公子友奔陳二十五年

閏元
年

春狄伐邢

管夷吾言于公曰戎狄豺狼不可厭也諸夏親暱不可

棄也宴安酖毒不可懷也請救邢我師救邢秋八月公

及魯公盟于落姑魯請復公子友許之冬仲孫湫如魯

省難二十六年

閔二年

春正月遷陽

陽國名齊
偏徙之

秋八月魯

慶父弑閔公哀姜

公女弟

與知之故孫于邾公取而殺之

于夷以其尸歸冬高傒如魯盟十二月狄入衛衛立戴

公以廬于曹

衛邑

公使公子無虧帥車三百乘甲士三千

人以戌曹歸公乘馬祭服五稱牛羊豕雞狗皆三百與

門材歸夫人魚軒重錦三十兩二十七年

僖元年

春正月

我師宋師曹伯次于聶北救邢邢人潰出奔師師逐狄

人具邢器用而遷之師無私焉夏邢遷于夷儀諸侯城

之楚伐鄭秋

八月

公會諸侯

魯宋鄭曹邾

于檉謀救鄭

衣裳之會

六

二十八年

僖二年

春正月諸侯城楚邱而封衛秋七月

公及宋公江人黃人盟于貫

服江黃也衣裳之會不在九合之數

寺人貂

始漏師于多魚

漏洩軍事也

二十九年

僖三年

秋公及宋公江

人黃人會于陽穀

謀伐楚也衣裳之會不在九合之數

公尋魯盟冬魯公

子友來涖盟三十年

僖四年

春正月公會諸侯

魯宋陳衛鄭許曹

侵蔡蔡潰遂伐楚次于陘夏楚屈完來盟于師盟于召

陵執陳轅濤塗

誤單道故

冬十二月我會諸侯

魯宋衛鄭許曹

之師

侵陳陳成歸轅濤塗三十一年

僖五年

夏公及諸侯

魯宋陳衛

鄭許曹

會王世子于首止

王以惠后故將廢太子公帥諸侯會之以定其位衣裳之會七

秋八月諸侯盟于首止鄭伯逃歸不盟三十二年

僖六年

夏公會諸侯

魯宋陳衛曹

伐鄭圍新城秋楚人圍許諸侯遂

救許三十三年

僖七年

春我伐鄭秋七月公會諸侯

魯宋陳鄭

盟于甯母

衣裳之會八

公修禮于諸侯諸侯官受方物

諸侯官司

各于齊受其方所當貢天子之物

鄭伯使大子華聽命于會言于公曰

洩氏孔氏子人氏三族實違君命若君去之以為成我

以鄭為內臣君亦無所不利焉公將許之管夷吾曰君

以禮與信屬諸侯而以姦終之不可公辭焉冬鄭來請

盟閏月惠王崩襄王惡大叔帶之難懼不發喪而告難

于我三十四年

僖八年

春正月公會王人及諸侯

魯宋衛許曹陳

盟于洮謀王室鄭伯乞盟襄王定位而後發喪

兵車之會一

三十五年

僖九年

夏公會宰周公及諸侯

魯宋衛鄭許曹

于葵邱

王使宰孔賜公胙曰天子有事于文武使孔賜伯舅胙

公將下拜孔曰且有後命天子使孔曰以伯舅耄老加

勞賜一級魚下拜對曰天威不遠顏咫尺小白余敢貪天子之命無下拜恐隕越于下以遺天子羞敢不下拜下拜登受秋九月戊辰諸侯盟于葵邱曰凡我同盟之人既盟之後言歸于好

穀梁葵邱之盟陳牲而不殺讀書加于牲上壹明天子之禁曰毋雍泉毋訖糴毋易樹子毋以妾為妻毋使婦人與國事公羊葵邱之會桓公震而矜之叛者九國

晉獻公卒里克殺奚齊卓子冬公以諸侯之師伐晉及

高梁而還隰朋帥師會秦師納晉惠公三十六年

僖十年

春正月魯公來夏四月隰朋立晉惠公公及許男伐北

戎三十七年

僖十一年

夏魯公及夫人姜氏會公于陽穀三

十八年

僖十二年

王以戎難討王子帶

去年子帶召戎伐京師

子帶來

奔冬公使夷吾平戎于王使隰朋平戎于晉三十九年

僖十三年

春使仲孫湫聘于周夏公會諸侯

魯宋陳衛鄭許曹

于鹹

淮夷病杞故且謀王室兵車之會二

秋為戎難故諸侯戍周使仲孫湫致

之四十年

僖十四年

春諸侯城緣陵而遷杞四十一年

僖十五年

春正月魯公來楚伐徐三月公會諸侯

魯宋陳衛鄭許曹

盟于

牡邱

楚伐徐救徐也兵車之會三

諸侯之師救徐諸侯次于匡以待

之秋伐厲以救徐四十二年

僖十六年

夏伐厲不克救徐而

還秋王以戎難來告我徵諸侯而戍周冬十二月公會

諸侯

魯宋陳衛鄭許邢曹

于淮

謀鄭且東畧也兵車之會四

城鄆役人病有夜

登邱而呼曰齊有亂不果城而還四十三年

僖十七年

春我

及徐人伐英氏魯滅項我討魯止魯公秋魯夫人聲姜

會公于卞

請魯公也

初公之夫人三王姬徐嬴蔡姬皆無子

公好內多內寵內嬖如夫人者六人長衛姬生魚虧少
衛姬生惠公鄭姬生孝公葛嬴生昭公密姬生懿公宋
華子生公子雍公與管仲屬孝公于宋襄公以為太子
雍巫有寵于衛共姬因寺人貂以薦羞于公亦有寵公
許之立無虧管夷吾卒五公子皆求立冬十月公薨易
牙入與寺人貂因內寵以殺羣吏而立公子魚虧孝公
奔宋十二月乙亥赴辛巳夜殯

史記桓公病五公子各樹黨爭立及公卒遂相攻以故宮中空莫敢棺公尸在牀上六十七日尸蟲出于戶呂氏春秋管仲有疾桓公往問之曰仲父之疾病矣將何以教寡人管仲對曰願君之遠易牙豎刁常之巫衛公子啟方公曰諾管仲死盡逐之食不甘宮不治苛病起朝不肅居三年公曰仲父不亦過乎皆復召而反明年公有病常之巫從中出曰公將以某日薨易牙豎刁常之巫相與作亂塞宮門築高牆不

通人矯以公令有一婦人踰垣入至公所公曰我欲
食婦人曰吾無所得公又曰我欲飲婦人曰吾無所
得公曰何故對曰易牙刁豎常之巫相與作亂塞宮
門築高牆不通人故無所得衛公子啟方以書社四
十下衛公慨焉歎涕出曰嗟乎聖人之所見豈不遠
哉若死者有知將何面目以見仲父乎蒙衣袂而絕
乎壽宮蟲流出于戶上蓋以楊門之扇三月不葬
事類趙主父桓公霸主必不至是三月不葬亦誤

孝公元年

僖十年

秋八月葬桓公

左傳

皇覽桓公冢在臨菑城南七里所菑水之南括地志
在臨菑縣南二十一里牛山上亦名鼎足山一所二
墳晉永嘉末人發之初得版次得水銀池有氣不得
入經數日乃牽犬入得金蠶數十薄珠襦玉匣繒綵
軍器不可勝數又以人殉葬骸骨狼籍也

謚曰桓在位四十三年當桓公時周室微唯齊楚秦晉
為彊晉初與會獻公死國內亂秦穆公辟遠不與中國

會盟楚成王初收荆蠻有之雄長南服唯獨齊為中國
會盟而桓公能宣其德故諸侯賓會于是桓公稱曰寡
人南伐至召陵望熊山北伐山戎離枝孤竹西伐大夏
涉流沙東馬懸車登太行至卑耳山而還諸侯莫違寡
人寡人兵車之會三乘車之會六九合諸侯一匡天下
昔三代受命又何以異于此乎吾欲封泰山禪梁父管
夷吾固諫不聽乃說桓公以遠方珍怪物至乃得封桓

公乃止

史記

淮南子桓公立政去食肉之獸食粟之鳥係置之網
三舉而百姓說韓詩外傳同

孝公

孝公名昭桓公子母鄭姬桓公與管夷吾屬孝公于宋

襄公以為大子桓公薨易牙立公子無虧長衛姬子武孟孝公

奔宋孝公元年僖十八年春宋襄公以諸侯曹衛邾之師伐我

我殺無虧將立孝公不勝四公子之徒遂與宋人戰夏

五月宋敗我師于甌立孝公三年僖二十年秋及狄人盟于

邢

衛伐邢故

四年

僖二十一年

及宋楚盟于鹿上六年

僖二十三年

我

伐宋圍緡

討不與盟于齊

九年

僖二十六年

春侵魯西鄙魯追我師

至鄆弗及

討魯與衛莒盟故

夏伐魯北鄙衛伐我冬魯以楚師

伐我取穀寘桓公子雍于穀雍巫奉之以為魯援楚申

公叔侯戌之十年

僖二十七年

夏六月公薨秋八月葬

左傳

謚曰孝在位十年

昭公

昭公名潘桓公子母曰葛嬴孝公薨弟公子潘即位是

為昭公元年

僖二十八年

春二月公及晉侯盟于欽孟

穀氏迫故

夏四月國歸父及諸侯之師敗楚於城濮五月公會周

王子虎及諸侯

晉魯宋蔡鄭衛莒

盟于踐土冬公會諸侯

晉魯宋蔡

鄭陳莒邾秦

于溫天王狩于河陽諸侯遂圍許二年

僖二十九年

夏國歸父會周王子虎及魯公諸侯之大夫

晉宋陳秦

盟于

翟泉三年

僖三十年

狄侵我六年

僖三十三年

國歸父聘于魯秋

狄侵我冬魯公來朝七年

文元年

冬魯公孫敖來聘八年

文二年

魯公子遂來納幣十年

文四年

魯來逆出姜狄侵我

十三年

文七年

公會諸侯

魯宋衛陳鄭許曹

晉大夫盟于扈

晉靈公立

故

十四年

文八年

秋八月襄王崩頃王立十五年

文九年

魯

出姜來歸寧夏狄侵我十七年

文十一年

鄭瞞侵我二十年

文十四年

春頃王崩匡王立夏五月公薨

左傳

謚曰昭在位二十年

懿公

懿公名商人亦桓公子母曰密姬魯女子叔姬妃昭公生舍叔姬魚寵舍無威商人驟施于國而多聚士盡其

家貸于公有司以繼之昭公二十年

文十四年

薨舍即位秋

七月商人弑舍而自立冬周單伯來為魯請子叔姬執

之又執子叔姬懿公元年

文十五年

赦單伯秋侵魯西鄙冬

十一月晉會諸侯

宋衛蔡陳鄭許曹

盟于扈謀伐我我賂晉侯

不克伐而還十二月歸魯子叔姬侵魯西鄙遂伐曹入

其郛

討其朝魯故

二年

文十六年

春及魯平公會魯季孫行父于

陽穀夏六月公及魯公子遂盟于鄆邱三年

文十七年

伐魯

北鄙

經作西鄙蓋誤

魯請盟夏六月公及魯公盟于穀冬魯公

子遂來四年

文十八年

春公將伐魯戒師期而有疾醫曰不

及秋將死夏五月公游于申池邠鄆閭職弑公納諸竹

中國人立公子元

左傳

謚曰懿在位四年

惠公

惠公名元亦桓公子母曰少衛姬初懿公商人之弑舍
也讓于兄元元曰爾求之久矣我能事爾爾不可使多
蓄憾將免我乎爾為之懿公遂立元不順懿公之為政

終不曰公曰夫已氏懿公四年

文十八年

遇弑國人立元是

為惠公是年魯文公卒秋公子遂叔孫得臣來請立文

公庶子倭公新立欲親魯許之魯遂弑文公大子惡及

弟視立倭

即宣公

冬出姜

大子惡母

歸于我季孫行父來惠公

元年

宣元

春魯公子遂來逆女夏魯季孫行父來納賂

以請會公會魯侯于平州

定宣公位也

公子遂來拜成六月

我取魯濟西田二年

宣二

冬十月匡王崩定王立三年

宣三

秋赤狄侵我四年

宣四

春公及魯侯平莒及郟莒

人不肯魯伐莒夏赤狄侵我秋魯侯來五年宣五年春魯

侯來高固使公止魯侯請叔姬秋九月高固如魯逆叔

姬六年宣六年夏定王使子服周大夫來求后冬召桓公來

逆王后七年宣七年夏公會魯侯伐萊九年宣九年春正月

魯侯來夏伐萊十年宣十年春魯侯來以魯服故歸魯濟

西田夏四月公薨左傳

謚曰惠在位十年

頃公

頃公名無野惠公子惠公十年

宣十年

薨公即位夏魯侯來

奔喪六月葬惠公秋魯季孫行父來聘冬魯公孫歸父

來公使國佐如魯報聘二年

宣十一年

夏魯公孫歸父會伐

莒三年

宣十三年

春伐莒

莒恃晉故

四年

宣十四年

公會魯公孫歸父

于穀五年

宣十五年

秋高固會魯仲孫蔑于魚婁七年

宣十七年

春晉侯使卻克徵會于我公帷婦人使觀之卻克登婦

人笑于房克怒公使高固晏弱蔡朝南郭偃會晉及欽

孟高固逃歸夏諸侯會于斷道晉執晏弱蔡朝南郭偃

八年

宣十年

春晉侯衛太子滅伐我至于陽穀公會晉侯

盟于繒以公子彊為質于晉晉師還蔡朝南郭偃逃歸

十年

成二年

春公伐魯取龍遂南侵及巢邱夏四月及衛

孫良夫戰于新築衛師敗績六月晉卻克會魯季孫行

父衛孫良夫曹公子首及公戰于鞏我師敗績晉師從

我師入自邱輿擊馬陘公使國佐賂以紀甌玉磬與地

秋七月晉師及國佐盟于爰婁使歸魯汶陽之田冬十

一月及楚公子嬰齊魯侯蔡侯許男諸侯之大夫

秦宋陳衛

鄭曹邾
薛邾

盟于蜀十一年

成三

冬公朝晉

史記頃公朝晉欲尊王晉晉不敢受乃歸歸而頃公
弛苑囿薄賦歛振孤問疾虛積聚以救民民大說厚
禮諸侯竟頃公卒百姓附諸侯不犯說苑公歸七年
不飲酒不食肉外金石之聲遠婦女之色出會與盟
卑下諸侯

十三年

成五

冬十一月定王崩簡王立十二月公會諸

侯

晉魯宋衛
鄭曹邾杞

同盟于蟲牢

鄭服

十五年

成七

秋楚伐鄭

公及諸侯

晉魯宋衛
曹莒邾杞

救鄭十六年

成八年

春晉使魯歸汶

陽之田于我十七年

成九年

春公會諸侯

晉魯宋衛
鄭曹邾杞

同盟

于蒲

歸汶陽之田
諸侯戴故

秋七月公薨謚曰頃冬十一月葬頃

公

左傳

在位十七年

靈公

靈公名環頃公子頃公薨靈公即位元年

成十年

夏五月

公會諸侯

晉魯宋
衛曹

伐鄭

鄭從
楚故

二年

成十一年

秋魯叔孫僑如

來聘四年

成十三年

春公及諸侯

魯宋衛鄭曹邾滕

朝王遂從劉康

公成肅公會晉侯伐秦五年

成十四年

秋魯叔孫僑如來逆

女六年

成十五年

春國佐會諸侯

晉魯衛鄭曹宋邾

同盟于戚

討曹成公

冬十一月高無咎會諸侯之大夫

晉魯宋衛鄭邾

會吳于鍾離

七年

成十六年

晉將伐鄭卻犇來乞師夏六月晉楚遇于鄢

陵戰之日國佐高無咎至于師秋七月公會諸侯

晉魯宋衛

于沙隨

謀伐鄭

國佐會周尹子晉侯邾人伐鄭八年

成十七年

七年

夏五月公會周尹武公單襄公及諸侯

晉魯宋衛曹邾

伐鄭

六月同盟于柯陵秋別鮑牽逐高無咎無咎奔莒高弱

魚咎

以盧叛

慶克通于靈公母聲孟子鮑牽告國佐國佐責之夫人怒譖高鮑

冬公會

周單襄公及諸侯

晉魯宋衛曹邾

伐鄭十月圍鄭楚救鄭諸侯

還公使崔杼慶克帥師圍盧國佐如盧師殺慶克以穀

叛公與之盟于徐闕而復之十二月盧降使國勝

國佐子

告難于晉待命于清九年

成十八年

春殺國佐清人殺國勝

冬十二月崔杼會諸侯

晉宋衛邾魯

同盟于虛打

楚伐宋故

十年

襄元

春晉會諸侯之大夫

魯宋衛曹邾邾滕薛

圍宋彭城

討魚石故

我

不會彭城晉人以為討二月太子光為質于晉夏晉韓

厥伐鄭崔杼會諸侯

魯曹邾杞

之師次于鄆以待晉師晉師

以鄆之師侵楚焦夷及陳秋九月簡王崩靈王立十一

年

襄二

春公伐萊萊人使正與子

萊大夫

賂夙沙衛以索

馬牛皆百匹

索簡擇好者

乃還魯齊姜薨公使諸姜宗婦如

魯送葬召萊子萊子不會晏弱城東陽以偪之冬崔杼

會諸侯之大夫

晉魯宋衛曹邾滕薛小邾

于戚城虎牢以偪鄭鄭成

十二年

襄三

晉為鄭服故且欲修吳好將合諸侯使士

勾來乞盟公欲勿許而難為不協乃盟于邲外夏六月

世子光會周單頃公及諸侯

晉魯宋衛鄭莒邾

同盟于雞澤晉

逆吳子吳子不至十四年

襄五年

秋世子光會諸侯

晉魯宋陳

衛鄭曹莒邾滕薛吳鄭

于戚會吳且戍陳冬楚伐陳光會諸侯于

城棣以救之十五年

襄六年

春三月入萊萊共公浮柔奔

棠陳無宇獻萊宗器于襄宮晏弱圍棠冬十一月滅之

遷萊于邾十七年

襄八年

夏五月高厚會晉侯鄭伯及諸

侯之大夫

魯鄭宋衛邾

于邢邱十八年

襄九年

冬世子光會諸

侯晉魯宋衛曹莒邾滕薛杞小邾伐鄭鄭成十二月同盟于戲晉人不

得志于鄭以諸侯復伐之次于陰口而還十九年

襄十年

春高厚相世子光先會諸侯

前諸侯

于鍾離夏會于柰秋

世子光會諸侯伐鄭冬戍鄭虎牢侵鄭北鄙而歸二十

年

襄十年

夏四月世子光會諸侯伐鄭七月同盟于亳城

北九月復伐鄭鄭使行成冬十二月會于蕭魚二十一

年

襄十年

王來求后公許昏王使陰里結之二十三年

襄十年

春正月我及諸侯之大夫會吳于向

為吳謀楚故

夏崔杼

會諸侯之大夫伐秦衛獻公來奔

孫林父逐之

秋王使劉定

公賜公命

將皆于齊故

曰昔伯舅大公右我先王股肱周室

師保萬民世昨大師以表東海王室之不壞繫伯舅是

賴今余命女環茲率舅氏之典纂乃祖考無忝乃舊敬

之哉無廢朕命二十四年

襄十五年

周劉夏來逆王后夏公

伐魯北鄙圍成

貳于晉故

二十五年

襄十六年

春三月諸侯會于

溴梁高厚逃歸

晉平公使諸大夫舞曰歌詩必類厚歌詩不類晉怒

公伐魯北鄙

秋伐魯北鄙圍郕仲孫速徼之公曰是好勇去之以為

之名二十六年

襄十七年

秋公伐魯北鄙圍桃高厚圍臧紇

于防二十七年

襄十八年

秋公伐魯北鄙冬十月諸侯會于

魯濟伐我我禦諸平陰公登巫山以望晉師畏其衆也

乃脫歸我師夜遁十一月晉入我平陰遂從我師克京

茲克邾圍盧弗克公駕將走邾棠大子與郭崇

大夫諫乃

止二十八年

襄十九年

夏晉欒魴從衛孫林父伐我秋七月

公薨

公以五月薨因光定位而後赴故經書七月

謚曰靈冬葬靈公

左傳

在位二十八年

莊公

莊公名光靈公之母曰驪聲姬生光為太子靈公諸子

有仲子戎子

諸子者
諸妾

戎子嬖仲子生牙屬諸戎子戎子

請以為太子許之仲子不可公曰在我而已遂東太子

光使高厚傅牙為太子夙沙衛為少傅靈公二十八年

襄十
九年公疾崔杼微逆光疾病而立之公薨光即位是為

莊公執公子牙于句瀆之邱以夙沙衛易已衛奔高唐

以叛晉士匄侵我及穀聞靈公喪而還秋八月崔杼殺

高厚慶封圉高唐弗克冬十一月公圉之高唐人納我

師醢衛于軍我及晉平盟于大隧莊公元年

襄二十一年

夏六

月公會諸侯

晉魯宋衛鄭曹莒邾滕薛杞小邾

盟于澶淵

我與晉平故

秋魯

叔老來聘二年

襄二十一年

公使慶佐為大夫復討公子牙之

黨執公子買公子鉏奔魯叔還奔燕晉欒盈亂冬公會

諸侯

晉魯宋衛鄭曹莒邾

于商任錮欒氏三年

襄二十二年

秋晉欒盈

自楚來晏嬰曰商任之會受命于晉今納欒氏將安用

之弗聽冬公會諸侯

晉魯宋衛鄭曹莒邾薛杞小邾

于沙隨復錮欒氏

四年

襄二十三年

秋公伐衛自衛將伐晉晏嬰崔杼諫弗聽

遂伐晉取朝歌為二隊入孟門登太行張武軍于熒庭
戍郟郃封少水以報平陰之役乃還還自晉不入遂襲
莒莒人行成

淮南子莊公出獵有蟲舉足將搏其輪其御曰此所
謂螳螂者也知進而不知却不力而輕敵公曰此
為人必為天下勇武去迴車避之勇武聞之知所盡
死

五年

襄二十四年

春魯仲孫羯帥師侵我公既伐晉而懼將

欲見楚子楚子使遠啟疆來聘且請期我社蒐軍實使

客觀之秋公聞將有晉師使陳無宇從遠啟疆如楚辭

辭辭會期也

且乞師崔杼帥師從之遂伐莒諸侯

前諸侯

會于

夷儀謀伐我冬楚子伐鄭以救我諸侯還救鄭楚子還

使遠啟疆帥師送陳無宇國人城郊

王地也叛晉欲求媚于天子故

六

年

襄二十五年

春崔杼伐魯夏五月莒子來朝享諸北郭崔

杼稱疾不視事乙亥公問杼疾杼遂弑之側公于北郭

丁亥葬諸士孫之里四嬖不蹕下車七乘不以兵甲

左傳

謚曰莊在位六年

景公

景公名杵臼魯叔孫僑如之在齊也叔孫還

羣公子

納其

女于靈公嬖生杵臼莊公六年

襄二十五年

夏五月崔杼弑

莊公立杵臼而相之是為景公慶封為左相丁丑盟國

人于大宮辛巳公與大夫及莒子盟晉侯濟自泮會諸

侯

魯宋衛鄭曹莒邾滕薛杞小邾

于夷儀以伐我我以莊公說使隰鉏

請成慶封如師男女以班

班辨也齊之男
女各以其辨

賂晉侯以宗

器樂器自六正五吏三十帥三軍之大夫百官之正長

師旅及處守者皆有賂

皆以男
女為賂

晉侯許之秋七月同盟

于重邱景公元年

襄二十
六年

衛甯喜弑殤公納獻公晉執

甯喜及衛獻公秋七月公及鄭伯為衛故如晉晉許歸

獻公二年

襄二十
七年

春慶封聘于魯夏宋向戌欲弭諸侯

之兵以為名來告許之為會于宋秋七月盟于宋西門

之外

慶封陳湏無實與此會經不
書者以齊秦不交相見也

九月崔杼死慶封當

國三年

襄二十八年

夏朝于晉冬十月盧蒲癸田何殺慶舍

慶封子

慶封出奔魯既而奔吳癸巳靈王崩景王立

經書十二

月

四年

襄二十九年

夏高止會諸侯之大夫

晉魯宋衛鄭曹莒滕薛小邾

城杞吳子使札來聘秋九月高止出奔北燕高豎

高止子

以盧叛冬十月閭邱嬰帥師圍盧高止出奔晉五年

襄三

年冬十月公孫蠆會諸侯之大夫

前諸國

于澶淵

宋災故謀歸宋

財既而無歸

六年

襄三十一年

夏五月公孫蠆殺閭邱嬰

蠆害嬰故七

年

昭元年

春正月國弱會諸侯之大夫

晉楚魯宋衛陳蔡鄭許曹

于虢

尋宋

八年

昭二年

春晉韓起來納幣

為平公聘少姜

夏四月晉韓

須來逆女使陳無宇送女致少姜晉謂無宇非卿執諸中

都冬十月魚宇歸九年

昭三年

少姜卒公使晏嬰請繼室

于晉晉許之夏五月晉韓起來逆女公孫蠆以其子更

公女而嫁公子秋九月公孫竈放盧蒲嫫于北燕北燕

伯來奔冬十月公孫竈卒十年

昭四年

秋七月楚伐吳執

慶封殺之十二年

昭六年

冬十一月公如晉請伐北燕晉

許之十二月伐北燕將納簡公

昭三年來奔

十三年

昭七年

春

正月公次于號燕人行成二月盟于濡上燕人歸燕姬

賂以瑤甕玉櫝罽耳不克納而還三月魯叔孫婁來泣

盟十四年

昭八年

秋七月公孫蠆卒十五年

昭九年

魯仲孫

纘來殷聘十六年

昭十年

夏陳無宇鮑國伐欒施高疆欒

施高疆出奔魯公與陳無宇莒之傍邑辭穆孟姬

景公母

為之請高唐陳氏始大秋九月國弱如晉葬晉平公十

七年

昭十一年

楚圍蔡秋國弱會諸侯之大夫

晉魯宋衛鄭曹杞

于

厥憖謀救蔡十八年

昭十二年

春高偃納北燕伯

即簡公

于唐

夏公如晉

朝嗣君

十九年

昭十三年

秋公會周劉子及諸侯

晉

宋衛鄭曹莒邾滕薛杞小邾

于平邱

晉成虎祁諸侯貳故

晉人將尋盟我不可

羊舌肸告于我曰晉禮主盟懼有不治奉承齊犧而布

諸君求終事也君曰余必廢之何齊之有唯君圖之寡

君聞命矣我懼對曰小國言之大國制之敢不聽從甲

戌同盟于平邱二十二年

昭十六年

春公伐徐至于蒲隧徐

人行成徐子及邾人莒人會公盟于蒲賂以甲父之鬲

二十五年

昭十九年

秋高發帥師伐莒莒子奔紀鄆秋七月

我師入紀二十六年

昭二十六年

夏公使公孫青聘于衛

青頃公孫

子石二十七年

昭二十一年

宋華疆亂冬十一月苑何忌會晉

衛曹救宋二十八年

昭二十二年

春北郭啟帥師伐莒莒敗

我師于壽餘宮伐莒莒子行成盟于稷門之外夏四月

景王崩王猛立王子朝作亂冬十月王猛卒敬王立二

十九年

昭二十三年

秋敬王居于狄泉尹氏立王子朝三十

一年

昭二十五年

秋九月魯侯來奔次于陽州公唁魯侯于

野井冬十二月公取鄆

魯邑取以居魯侯

三十二年

昭二十六年

夏

公將納魯侯魯賂梁邱據據說公待于曲棘使公子鉏

帥師從魯侯我師圍成及魯師戰于炊鼻秋公會魯侯

莒子邾子杞伯盟于剡陵諫納魯侯冬十月設王入于成周

王子朝奔楚十二月彗星見三十五年昭二十九年春魯侯

自乾侯至郕公使高張唁之稱主君大夫稱主君魯侯如乾

侯三十八年昭三十二年冬高張會諸侯之大夫晉魯宋衛鄭曹莒薛

杞小邾城成周高張後不從諸侯四十二年定四年春三月

國夏會周劉子及諸侯晉魯宋蔡衛陳鄭曹莒邾頓胡滕薛杞小邾于召陵

謀伐楚夏五月及諸侯盟于臯鼬四十五年

定七年

春歸

魯鄆陽闕秋公及鄭伯盟于鹹執衛行人北宮結以侵

衛公及衛侯盟于沙

衛侯欲叛晉使我執結以侵衛

國夏帥師伐魯西

鄙四十六年

定八年

春正月魯侵我三月魯侵我夏國夏

高張伐魯西鄙四十七年

定九年

夏六月魯陽虎來奔執

之囚諸西鄙虎逃奔宋秋公伐晉夷儀

為衛討也

晉敗我師

于中牟公致譙媚杏

三邑

于衛四十八年

定十年

春及魯平

夏公會魯侯于夾谷歸魯鄆謹龜陰之田冬公及衛侯

鄭游速會于安甫魯叔孫仇來聘五十年

定十年

冬十月

公會魯侯盟于黃五十一年

定十年

春公及衛侯次于垂

葭使師伐晉河內夏五月晉荀寅士吉射叛奔朝歌五

十二年

定十年

公會魯侯衛侯于牽秋及宋公會于洮謀

救范中行氏五十三年

定十年

夏五月公及衛侯次于渠

蒯

鄭伐宋謀救之

五十四年

哀元年

晉趙稷以邯鄲叛夏四月公

及衛侯救邯鄲圍五鹿秋八月公及衛侯會于乾侯救

范氏伐晉取棘蒲五十五年

哀二年

秋八月輸范氏粟晉

納衛蒯瞶于戚五十六年

哀三年

春國夏衛石曼姑圍戚

求援于中山

中山鮮虞也

五十七年

哀四年

秋七月陳乞弒施

衛甯跪救范氏圍五鹿冬十二月國夏伐晉取邢任欒

鄆逆時陰人孟壺口

晉八邑

會鮮虞納荀寅于栢人五十

八年

哀五年

春晉荀寅士吉射來奔夏伐宋秋九月公薨

冬葬景公謚曰景在位五十八年景公嬖鬻似之子荼

公疾使國夏高張立荼寘羣公子于萊及薨公子嘉駒

黔奔衛陽生及鉏奔魯萊人歌之曰景公死乎不與埋

三軍之事乎不與謀師乎師乎何黨之乎

左傳

越絕書闔廬伐齊大克取齊王女為質子為造齊門
置于水海虛其臺在車道左水海右去縣七十里齊
女思其國死葬虞西山說苑齊景公以其子妻闔廬
送諸郊泣曰余死不汝見矣高夢子曰齊負海而縣
山誰干我君愛則勿行公曰余有齊國之固不能以
令諸侯又不能聽是生亂也寡人聞之不能令則莫
若從且夫吳若蜂蠆然不棄毒于人則不靜余恐棄

毒于我也遂遣之

悼公

悼公名陽生景公子景公薨公子荼立陽生及公子鉏

奔魯悼公元年

哀六年

夏六月陳乞鮑牧及諸大夫以甲

入公宮及國夏高張戰于莊國夏奔莒遂及高張晏圍

弦施奔魯秋八月陳乞使召陽生陽生駕而見鉏曰常獻

馬于季孫不入于上乘故又獻此請與子乘之出萊門

而告之故闕止

陽生家臣

知之先待諸外陽生曰事未可知

反與壬

陽生子簡公

也處戒之遂行逮夜至于齊國人知之

陳乞使子士之母

乞之妻

養之與饋者皆入冬十月立之

使胡姬以安孺子荼如賴遷于駘不至殺諸野幕之下

久之或譖胡姬亦殺之陽生即位是為悼公公之在魯

也取魯季姬

季孫肥妹

既即位使逆之季姬淫魯弗敢與三

年

哀八年

夏五月鮑牧伐魯取謹及闡六月公使如吳請

師伐魯秋及魯平逆季姬以歸殺鮑牧冬十二月歸魯

謹及闡

季姬嬖故

四年

哀九年

春公使公孟綽辭師于吳五年

哀十

春魯侯會吳子邾子邾子伐我南鄙師于郕國人

弑公赴于師吳徐承帥舟師將自海入齊我敗之吳師

乃還夏晉趙鞅帥師伐我取犁及轅毀高唐之郭侵及

賴而還五月葬悼公

左傳

謚曰悼在位五年

簡公

簡公名壬悼公子悼公被弑子壬立是為簡公元年

哀十

一春國書高無平帥師伐魯戰于郊魯左師入我軍右

師奔我師從之涉泗夏五月魯侯會吳子伐我克博甲

戎戰于艾陵大敗我師獲國書公孫夏問邱明陳書東

郭書公即位闕止有寵使為政陳恒憚之諸御鞅言于

公曰陳闕不可並也君其擇焉弗聽四年

哀十年

夏四月

陳恒殺闕止執公寘于舒州公曰吾早從鞅之言不及

此六月陳恒弑之

左傳

謚曰簡在位四年

平公

平公十二年春秋終

宣公

康公

平公名鵲簡公弟陳恒弑簡公立鵲是為平公平公即

位恒相之專齊之政

史世家

元年

哀十年

春正月魯公孫宿以成叛歸于我夏五月高

無平出奔北燕冬及魯平歸魯成二年

哀十年

夏四月孔

子卒三年

哀十七年

夏六月晉趙鞅圍衛國觀陳瓘救衛衛

弑莊公立襄公孫般師冬十二月伐衛立公子起執般

師以歸公會魯侯盟于蒙四年

哀十八年

衛君起來奔衛侯

輒復入五年

哀十九年

冬敬王崩元王立六年

哀二十年

夏及魯

會于廩丘

為鄭故謀伐晉

七年

哀二十一年

秋八月公及魯侯邾子

盟于顧九年

哀二十三年

夏六月晉荀瑶伐我高無平帥師

禦之戰于犂邱我師敗績十三年

哀二十七年

晉荀瑶伐鄭

鄭請救于我我救鄭荀瑶乃還

左傳

是年元王崩貞王立二十五年

悼十二年

公薨謚曰平在位

二十五年子宣公積即位宣公四十八年取魯之郕明

年公與鄭人會西城伐衛取母邱五十一年薨田會自

廩丘反

紀年田布殺其大夫公孫孫公孫會以廩邱叛于趙
田布圍廩邱翟角趙孔肩韓氏救廩邱及田布戰于
龍澤田師敗逋呂氏春秋齊攻廩邱趙使孔青將死
士救之與齊人戰大敗之得尸三萬以為二京甯越
謂孔青曰惜矣不如歸師以內攻之越聞之沙隨責
服却舍延尸車甲盡于戰府庫盡于葬此之謂內攻
之孔青曰齊不尸則如何甯越曰戰而不勝其罪一
與人出而不與人其罪二與之尸而弗取其罪三民

以此三者怨上上無以使下下無以事上是之謂重
攻之

宣公薨子康公貸即位康公立十四年淫于酒婦人不
聽政

墨子康公興樂萬人不衣短褐不食糠糟曰食飲不
美面目顏色不足視也衣服不美身體容貌不足觀
也是以食必梁肉衣必文繡

康公十八年陳恒曾孫和始為諸侯遷康公海濱二十

六年公薨呂氏遂絕其祀田氏卒有齊國

史記世家

贊曰齊桓衣裳之會九兵車之會四仲尼曰正而不譎
蓋深許之矣既而內寵猾中踵亂數葉大癰晚潰罪坐
養者悲夫景公賢佞並用若有侈心然姜柄授田景實
為之何也高唐之封大其園已寘羣公子萊而陽生立
畀之政已竈薑弱前高國踣後田氏之威接弑二君而
莫敢誰何景實為之也詩曰枝葉未有害本實先撥嗟
乎景撥本矣俾北海之侯而為海濱之漁也

尚史卷十二

欽定四庫全書

史部

尚史卷十三至十五

編修臣錢樾覆勘

總校官檢討臣何思鈞

欽定四庫全書

尚史卷十三

世家六

鑲白旗漢軍李鎔撰

衛世家

始武王十三年終秦二世元年
凡九百一十四年傳三十世

康叔 康伯 考伯 嗣伯 康伯 靖伯

貞伯 頃侯

衛康叔名封周武王同母弟也武王即位于社南羣臣
畢從毛叔鄭奉明水康叔封傅禮

史記康叔封布茲

召公奭贊采師尚父牽牲

汲冢周書

既克殷封康叔為衛侯

書序成王既伐管蔡以殷餘民封康叔史記因之蔡氏識其誤以為武王封之今從蔡氏

居河淇之間分之以大路少帛綉蒺旃旌大呂殷民七族陶氏施氏繁氏錡氏樊氏饑氏終葵氏封畛土疆自武父之南及圃田之北竟取于有閭之土以共王職取

于相土之東都以會王之東蒐聃季授土陶叔授民

左傳

王若曰孟侯朕其弟小子封惟乃丕顯考文王克明德
慎罰不敢侮鰥寡庸祇祇威威顯民用肇造我區夏
越我一二邦以修我西土惟時怙冒聞于上帝帝休天
乃大命文王殪戎殷誕受厥命越厥邦厥民惟時叙乃
寡兄勗肆汝小子封在茲東土王曰嗚呼封汝念哉今
民將在祗邁乃文考紹聞衣德言往敷求于殷先哲王
用保乂民汝丕遠惟商耇成人宅心知訓別求聞由古

先哲王用康保民弘于天若德裕乃身不廢在王命王
曰嗚呼小子封惇瘝乃身敬哉天畏棐忱民情大可見
小人難保往盡乃心無康好逸豫乃其人民我聞曰怨
不在大亦不在小惠不惠懋不懋已汝惟小子乃服惟
弘王應保殷民亦惟助王宅天命作新民王曰嗚呼封
敬明乃罰人有小罪非青乃惟終自作不典式爾有厥
罪小乃不可不殺乃有大罪非終乃惟青災適爾既道
極厥辜時乃不可殺王曰嗚呼封有叙時乃大明服惟

民其勅懋和若有疾惟民其畢棄咎若保赤子惟民其
康又又曰非汝封刑人殺人無或刑人殺人非汝封劓
則人無或劓則人王曰外事汝陳時臬司師茲殷罰有
倫又曰要囚服念五六日至于旬時丕蔽要囚王曰汝
陳時臬事罰蔽殷彝用其義刑義殺勿庸以次汝封乃
汝盡遜曰時叙惟曰未有遜事已汝惟小子未其有若
汝封之心朕心朕德惟乃知凡民自得罪寇攘姦宄殺
越人于貨賈不畏死罔弗憝王曰封元惡大憝惟不孝

不友子弗祇服厥父事大傷厥考心于父不能字厥子
乃疾厥子于弟弗念天顯乃弗克恭厥兄兄亦不念鞠
子哀大不友于弟惟弔茲不于我政人得罪天惟與我
民彞大泯亂曰乃其速由文王作罰刑茲無赦不率大
戛矧惟外庶子訓人惟厥正人越小臣諸節乃別播敷
造民大譽弗念弗庸瘵厥君時乃引惡惟朕憖已汝乃
其速由茲義率殺亦惟君惟長不能厥家人越厥小臣
外正惟威惟虐大放王命乃非德用乂汝亦罔不克敬

典乃由裕民惟文王之敬忌乃裕民曰我惟有及則予
一人以懌王曰封爽惟民迪吉康我時其惟殷先哲王
德用康乂民作求矧今民罔迪不適不迪則罔政在厥
邦王曰封予惟不可不監告汝德之說于罰之行今惟
民不靜未戾厥心迪屢未同爽惟天其罰殛我我其不
怨惟厥罪無在大亦無在多矧曰其尚顯聞于天王曰
嗚呼封敬哉無作怨勿用非謀非彞蔽時忱丕則敏德
用康乃心顧乃德遠乃猷裕乃以民寧不汝瑕殄王曰

嗚呼肆汝小子封惟命不于常汝念哉無我殄享明乃服命高乃聽用康乂民王若曰往哉封勿替敬典聽朕告汝乃以殷民世享

尚書

商受醢酒天下化之妹土商之都邑染惡尤甚武王以其地封康叔故又作酒誥梓材教之

書序

衛世家梓材示君子可法則故謂之康誥酒誥梓材以命之按蔡傳以梓材文多不類若人臣進戒之辭仁山金氏亦以為治洛命侯邦之文詳辭義信非

命康叔之文故不錄

康叔之國既以此命能和集其民民大說武王崩成王立舉康叔為周司寇康叔薨子康伯即位

系本康伯名髡宋忠云即王孫牟也事康王為大夫左傳所謂王孫牟父是也譙周古史考作牟伯

康伯薨子考伯即位考伯薨子嗣伯即位嗣伯薨子康

伯即位

系本作
擊伯

康伯薨子靖伯即位靖伯薨子貞伯即

位

系本作
其伯

貞伯薨子頃侯即位

史記頃侯厚賂周夷王命衛為侯孔安國曰方伯州牧也五代恒為方伯至頃侯德衰不監諸侯乃從本爵而稱侯非是至子而削爵及賄夷王而稱侯也

按世家云頃侯立十二年卒子釐侯立釐侯十三年厲王出奔于彘以彘彘之年逆推之頃侯元年當在厲王十三年而夷王已前死十餘年其曰賂夷王命為侯誤頃侯十二年薨子僖侯即位十三年厲王奔于彘共和

行政二十八年宣王立四十二年僖侯薨

史記

謚曰僖在位四十二年

武公

武公名和僖侯子僖侯世子恭伯恭伯早卒

詩序

僖侯薨恭伯弟和立是為武公

史衛世家釐侯卒太子共伯餘立為君共伯弟和有寵于釐侯多與之賂和以其賂賂士以襲攻共伯于墓上共伯入釐侯羨自殺衛人因葬之釐侯傍謚曰共伯而立和是為武公楊慎曰大史公未見毛詩左

傳附會至此

武公元年宣王十六年也武公即位修康叔之政百姓和集三十一年宣王崩幽王立四十二年犬戎殺幽王武公將兵往佐周平戎甚有功平王命武公為公五十

五年薨

史記

衛本侯爵自武公以下皆稱公按春秋經魯隱公八年春宋公衛侯遇于垂固知稱公之僭自武公始也或平王止命武公為公如史之說而莊公以下遂稱

之也

在位五十五年謚曰武武公年九十五猶箴儆于國曰
自卿以下至于師長士苟在朝者無謂我老髦而舍我
必恪恭于朝夕以交戒我在輿有旅賁之規位宁有官
師之典倚几有誦訓之諫居寢有瞽御之箴臨事有瞽
史之道宴居有工師之誦史不失書矇不失誦以訓御

之于是作懿戒

即大雅抑之詩

以自儆

國語

又飲酒悔過作賓之初筵

韓詩外傳

及其沒也謂之獻聖武公

莊公

桓公

十三年
入春秋

莊公名揚武公薨莊公即位在位二十三年薨諡曰莊

莊公有寵妾生子州吁長好兵莊公使將石碯諫不聽

及莊公薨太子完即位是為桓公桓公二年州吁驕奢

公絀之州吁出奔十三年

隱元年

鄭伯弟段攻其兄不勝

亡而州吁求與之友十五年

隱三年

平王崩桓王立十六

年

隱四年

州吁收聚衛亡人以襲殺桓公州吁自立為衛

君

史記

夏及宋公陳侯蔡人伐鄭秋復伐鄭

左傳

詩序州吁用兵暴亂使公孫文仲與陳蔡伐鄭國人怨其勇而無禮作擊鼓之詩

州吁好兵弑桓公衛人不愛秋州吁如陳石碣使右宰醜涖殺州吁于濮而迎桓公弟晉于邢而立之是為宣

公

史記

宣公元年

隱五年

夏四月葬桓公

左傳

在位十六年謚曰桓

宣公

宣公名晉元年

隱五年

秋我師入郕

衛亂郕侵衛故

四年

隱八年

齊

侯將平宋衛于鄭春公及宋公遇于垂齊人卒平宋衛

于鄭秋七月公及宋公齊侯會于溫盟于瓦屋六年

隱十年

年宋公不王鄭以王命伐宋秋七月我及宋人入鄭蔡人從

之伐戴鄭伯圍戴克之取三師

宋衛蔡三國師

十年

桓三年

夏公及齊

侯胥命于蒲

申約言以相命而不飲血也

十一年

桓五年

夏我及陳蔡

從王伐鄭十四年

桓七年

秋我及齊鄭伐盟向

二邑求成于鄭而背

之十七年

桓十年

秋魯侯會公于桃邱弗遇冬十二月公

齊侯鄭伯戰魯于郎十八年

桓十一年

春正月我及齊鄭宋

盟于惡曹

經不書宋

夏鄭祭仲立公子突

即厲公

鄭忽

即昭公

來

奔十九年

桓十二年

冬十一月公薨惠公元年

桓十三年

葬

左傳

在位十九年謚曰宣

惠公

惠公名朔宣公子宣公烝于夷姜生急子屬諸右公子

職為之娶于齊而美公取之

是為宣姜

生壽及朔屬壽于左

公子洩宣姜與朔構急子公使盜殺壽及急于宣公薨

朔立是為惠公惠公元年

桓十年三年

春二月魯侯會紀侯鄭

伯及公齊侯宋公燕人戰我師齊師宋師燕師敗績

宋立

突多責賂于鄭
鄭不堪命故

二年

桓十年四年

冬十二月宋以諸侯

齊蔡衛陳伐

鄭三年

桓十五年

春三月桓王崩莊王立冬公會諸侯

魯宋陳

于袤伐鄭將納厲公弗克而還四年

桓十六年

春正月公會

諸侯

魯宋蔡

于曹謀伐鄭夏公會諸侯

魯宋蔡衛

伐鄭冬十一

月左公子洩右公子職怨公立公子黔牟公出奔齊

公羊天子使守衛朔而不能使衛小衆越在岱陰齊
屬負茲舍不即罪爾注言以朝廟告月朔使衛發小
衆不能使行走越于齊託有疾止不就罪也天子有
疾稱不豫諸侯曰負茲大夫稱犬馬士曰負薪穀梁
天子召而不往也

五年

桓十七年

及宋人魯人伐邾十一年

莊五年

冬魯伐我納

公十二年

莊六年

春正月王人子突救我夏公入放黔牟

于周放甯跪于秦殺左公子洩右公子職十八年

莊十二年

莊王崩僖王立

經傳不載

二十年

莊十四年

冬我會周單伯諸侯

齊宋鄭

于鄆

宋服故

二十一年

莊十五年

春復會諸侯

齊宋陳衛鄭

于

郵齊桓公始霸二十二年

莊十六年

夏我及宋人齊人伐鄭

鄭侵宋故

冬十二月公會諸侯

齊宋陳鄭許滑滕

同盟于幽

鄭成故

二

十三年

莊十七年

僖王崩惠王立

亦不載

二十五年

莊十九年

秋周

子頹伐惠王弗克出奔溫蘇子奉子頹來奔我師燕師

伐周冬立子頹二十六年

莊二十年

春鄭伯虢叔納王殺子

頹三十一年

莊二十五年

夏五月公薨

左傳

在位二十一年諡曰惠

懿公

懿公名赤惠公子惠公薨赤立是為懿公懿公二年

莊二十二年

十七年惠王使齊請伐我以我立子頹也三年

莊二十八年

春

三月齊伐我我及齊人戰我師敗績戴公元年

閏一年

冬

十二月狄人伐我公好鶴鶴有乘軒者將戰國人受甲

者皆曰使鶴鶴實有祿位余馬能戰及狄人戰于熒澤

我師敗績公不去其旗是以甚敗遂滅衛

左傳

紀年晉獻公十七年衛懿公及赤狄戰于洞澤 按

洞當作洞

戴公

戴公名申惠公庶兄公子頑烝于宣姜生齊子戴公申

文公燬宋桓夫人許穆夫人戴公元年

閏二年

狄敗衛宋

桓公逆諸河宵濟衛之遺民男女七百三十人益之以

共滕之民為五千人立戴公以廬于曹許穆夫人賦載

馳齊侯使公子無虧帥車三百乘甲士三千人以戍曹
歸公乘馬祭服五稱牛羊豕雞狗皆三百與門材歸夫
人魚軒重錦三十兩是年公薨

左傳

文公

文公名煊戴公薨文公立二年

僖二年

春諸侯城楚邱而

封我四年

僖四年

春公會諸侯

齊魯宋陳鄭許曹

侵蔡蔡潰遂伐

楚次于陘冬我會諸侯之師

齊魯宋鄭許曹

侵陳陳成

討轅濤塗不忠

五年

僖五年

夏公及諸侯

齊魯宋陳鄭許曹

會王世子于首止謀

寧周秋八月諸侯盟于首止鄭伯逃歸不盟六年

僖六年

夏公會諸侯

齊魯宋陳曹

伐鄭圍新城

逃首止盟故

八年

僖八年春

正月公會王人諸侯

齊魯宋許曹陳

盟于洮謀王室

時惠王已崩襄王惡

大叔帶之難懼不發喪而告難于齊

冬十二月惠王崩

惠王實以七年閏月崩

子襄

王立九年

僖九年

夏公會宰周公諸侯

齊魯宋鄭許曹

于葵邱齊

侯以諸侯之師伐晉

討晉里克之亂

十年

僖十年

春秋滅溫溫子

來奔十二年

僖十二年

春諸侯城我楚邱之郭十三年

僖十三年

春秋侵我夏公會諸侯

齊魯宋陳鄭許曹

于鹹淮夷病杞故且

謀王室秋為戎難故諸侯戌周十四年僖十四年春諸侯城

緣陵遷杞十五年僖十五年春楚伐徐公會諸侯前諸侯盟于

牡邱遂次于匡諸侯之大夫救徐十六年僖十六年秋王以

戎難告于齊齊徵諸侯戌周十二月公會諸侯齊魯宋陳

鄭許邢曹于淮謀鄭且東畧齊桓公卒齊立無虧孝公奔宋十八

年僖十八年春宋以我師及諸侯曹邢伐齊齊殺無虧冬邢人

狄人伐我圍菟圃公以國讓父兄子弟及朝衆曰苟能

治之燬請從焉衆不可而後師于訾婁狄師還十九年

僖十九年秋伐邢二十一年僖二十一年春秋侵我二十五年僖二十五年

十五年春正月伐邢遂滅邢夏四月公薨諡曰文秋葬文

公文公之封于楚邱也大布之衣大帛之冠務材訓農

通商惠工敬教勸學授方任能元年革車三十乘季年

乃三百乘左傳

文公在位二十五年

成公

成公名鄭文公子文公二十五年僖二十五年薨成公立我

平魯莒冬十二月公會魯侯莒慶盟于洮成公元年

僖二

十六年春正月甯速會魯侯莒子盟于向夏齊伐魯北鄙

我伐齊三年

僖二十八年

春晉侯將伐曹假道于我我弗許

晉侵曹伐我取五鹿二月晉齊盟于斂孟公請盟晉人

弗許公欲與楚國人不欲故出公以說于晉公出居襄

牛楚人救我夏四月戰于城濮楚師敗績公聞楚師敗

懼出奔楚遂適陳五月元咺奉叔武

成公弟

會諸侯

晉魯齊宋

蔡鄭盟于踐土或訴元咺于公曰立叔武矣其子角從

公公使殺之六月晉人復公甯俞衛大夫與國人盟于宛

濮曰既盟之後行者無保其力居者無懼其罪有渝此

盟明神先君是糾是殛國人聞此盟也而後不貳公先

期入甯俞先長牂衛大夫守門以為使也與之乘而入公

子顓犬華仲並衛大夫前驅射殺叔武公知其無罪也枕之

股而哭之顓犬走出公使殺之元咺出奔晉公羊晉文公逐衛侯

而立叔武叔武辭立而他人立則恐衛侯之不得反也故于是已立然後為踐土之會治反衛侯衛侯得反曰

叔武篡我元咺爭之曰叔武晉魯齊宋蔡無罪終殺叔武元咺走而出冬諸侯鄭陳莒邾秦會于

溫公與元咺訟公不勝執公歸之于京師寘諸深室元

咺歸于衛立公子瑕五年

僖十年

晉侯酈公不死會魯為

之請納玉于王與晉侯皆十穀王許之秋乃釋公公使

賂周欵冶廛

並衛大夫

曰苟能納我吾使爾為卿欵廛殺元

咺及公子瑕瑕弟子儀公復入六年

僖三十年

冬狄圍我

我遷于帝邱卜曰三百年七年

僖三十二年

夏狄有亂我侵

狄狄請平秋我及狄盟晉文公之末年諸侯朝晉公不

朝使孔達侵鄭伐絳訾及匡九年

文元年

晉襄公使先且

居胥臣伐我圍戚夏六月取之獲孫林父我使告于陳

陳共公曰更伐之我辭之孔達伐晉十年文二夏六月

晉士穀會諸侯宋陳鄭魯盟于垂隴陳共公為我請成于晉

執孔達以說十一年文三春公如陳拜晉十二年文四

春晉歸孔達夏公如晉拜秋使甯俞如魯聘十三年文五

年冬晉陽處父來聘十五年文七秋八月公會諸侯晉

大夫魯齊宋陳鄭許曹晉趙盾盟于扈十六年文八秋八月襄王崩

子頃王立十七年文九春楚伐鄭孔達會諸侯之大夫

晉魯救鄭二十一年文十年冬魯侯如晉朝公會魯侯于

沓請平于晉我貳于楚故狄侵我二十二年文十年春頃王崩

匡王立夏六月公會諸侯晉大夫魯宋陳鄭許曹晉趙盾同盟于

新城從楚者服且謀納邾捷菑二十三年文十年冬十一月公及諸侯

晉宋蔡陳鄭許曹盟于扈尋新城之盟且謀伐齊齊執周單伯且數伐魯故齊人賂晉侯不克伐而

還宋人弒昭公二十五年文十年春孔達及晉陳鄭之大

夫伐宋二十八年宣二年夏晉以我師宋師陳師侵鄭鄭為

楚伐宋故冬十月匡王崩定王立三十二年宣六年春孫免及

晉趙盾侵陳

陳即楚故

三十三年

宣七年

春使孫良夫如魯盟

冬公會諸侯

晉魯宋鄭曹

盟于黑壤三十五年

宣九年

秋九月

公會諸侯

晉宋鄭曹

于扈陳侯不會晉荀林父以諸侯之師

伐陳冬十月公薨

左傳

謚曰成在位三十五年

穆公

穆公名遨成公子成公薨穆公即位元年

宣十年

夏六月

晉以我師宋師曹師伐鄭

鄭及魯平故

取成而還三年

宣十二年

孔達及晉宋曹同盟于清邱宋為盟故伐陳

陳貳于楚故

我救

陳晉以為討五年

宣四年

春我殺孔達以說于晉八年

宣七年

夏六月公會諸侯

晉魯曹邾

于斷道齊將伐

九年

宣十年

春世子臧

會晉侯伐齊十一年

成二年

春孫良夫侵齊齊敗我師于新

築良夫遂如晉乞師魯臧孫許亦如晉乞師夏六月孫良

夫會晉師魯師曹師及齊侯戰于鞌齊師敗績秋九月公

薨謚曰穆定公元年葬穆公

左傳

穆公在位十一年

定公

定公名臧穆公子穆公十一年年成二薨定公即位是年

冬楚鄭侵我我請平十一月孫良夫及楚公子嬰齊魯侯

蔡侯許男及諸侯之大夫曹秦宋陳鄭齊盟于蜀定公元年

年成三春正月公會諸侯晉魯宋鄭伐鄭討鄭秋孫良夫晉郤

克伐麇咎如赤狄麇咎如潰冬十一月使良夫如魯聘

丁未盟三年年成五冬十一月定王崩簡王立十二月公

會諸侯晉魯齊宋鄭曹邾杞同盟于蟲牢鄭服諸侯謀復會宋辭

四年年成六春三月孫良夫及晉師鄭師伊維之戎陸渾

蠻氏侵宋五年

成七年

秋楚伐鄭公會諸侯

晉魯齊宋曹莒邾杞

救

鄭八月同盟于馬陵公惡孫林父

良夫子

冬林父以戚奔

晉公如晉晉反我戚七年

成九年

春正月公會諸侯

晉魯齊宋

鄭曹莒邾

同盟于蒲將會吳吳人不至晉以鄭貳于楚執鄭

伯八年

成十年

春黑背

公弟

侵鄭夏五月公會諸侯

晉魯齊宋曹

伐鄭鄭成鄭伯歸十年

成十二年

夏公會晉侯魯侯于瑣澤

晉楚

十一年

成十三年

夏五月公從劉康公成肅公會諸侯

晉魯齊宋鄭曹邾滕

伐秦戰于麻隧秦師敗績十二年

成十四年

春公

如晉晉侯強見孫林父公不可夏晉侯使卻犇送林父
公見而復之公有疾使孔炆鉏甯殖立子衎為太子冬
十月公薨諡曰定獻公元年成十五年春二月葬定公左傳
定公在位十二年

獻公 殤公

獻公名衎定公子母曰敬姒定公薨獻公即位元年成十五年

五年春三月公會諸侯晉魯鄭曹宋齊邾同盟于戚晉執曹伯歸

于京師討其殺大子而自立冬十一月孫林父會諸侯之大夫晉魯

齊宋鄭鄭會吳于鍾離二年成十年鄭從初夏四月公伐鄭至

于鳴鴈晉伐鄭卻犇來乞師戰于鄢陵之日公出于衛

秋公會諸侯晉魯齊宋鄭于沙隨三年成十年春鄭侵晉北宮

拈救晉侵鄭至于高氏夏五月公會尹武公單襄公及

諸侯晉魯齊宋鄭伐鄭六月同盟于柯陵冬公會單襄公及

諸侯伐鄭十月圍鄭楚救之諸侯還四年成十年楚伐宋

冬十二月公會諸侯晉宋鄭及魯齊之大夫同盟于虛打

謀救宋五年襄元年春正月甯殖會諸侯之大夫晉齊宋鄭

滕圍宋彭城宋魚石叛夏晉韓厥伐鄭公次于戚以為

之援秋九月簡王崩子靈王立冬使公孫剽如魯聘六

年襄二夏甯殖及晉師宋師侵鄭秋七月孫林父會諸

侯之大夫晉魯宋于戚謀鄭冬復會于戚城虎牢以偪

鄭鄭人乃成七年襄三夏六月公會單頃公及諸侯晉

鄭莒同盟于雞澤陳使袁僑如會戊寅及陳袁僑盟九

年襄五春孫林父會吳于善道秋公會諸侯晉魯宋陳

滕薛齊吳鄭于戚會吳且命戊陳冬楚伐陳十一月公會諸

侯晉魯宋鄭曹齊

于城棣以救陳十一年

襄七年

秋魯季孫宿來

冬十月使孫林父如魯聘壬戌及魯盟楚圍陳十二月

公會諸侯

晉魯宋陳曹莒邾

于鄆以救陳十二年

襄八年

夏五月

甯殖會諸侯

晉鄭齊宋邾

于邢邱十三年

襄九年

冬十月公會

諸侯

晉魯宋曹莒邾滕薛杞小邾齊

伐鄭

鄭從楚故

鄭行成十二月同盟于

戲晉以諸侯復伐鄭閏月侵鄭次于陰口而還十四年

襄十年

春公會諸侯

前諸侯

會吳于柤夏五月楚鄭伐宋公

救宋師于襄牛鄭皇耳侵我我追之獲皇耳秋公會諸

侯

前諸侯

伐鄭師于牛首城號牢而戍之鄭及晉平會楚

救鄭鄭又與楚人盟諸侯之師還侵鄭北鄙而歸十五

年

襄十一年

夏四月公會諸侯

前諸侯

伐鄭鄭行成秋七月同

盟于亳城北楚伐鄭鄭逆之伐宋九月諸侯悉師復伐

鄭冬十月鄭成十二月會于蕭魚楚敗吳十八年

襄十四年

春正月北宮括會諸侯

前諸侯

之大夫會吳于向夏四月

北宮括會諸侯

前諸侯

之大夫伐秦公怒孫林父甯殖林

父殺羣公子公出奔齊齊人以邾寄公國人立公孫剽

是為殤公殤公者穆公孫也孫林父甯殖相之以聽命

于諸侯冬孫林父會諸侯之大夫

晉魯宋鄭莒邾

于戚謀定我

殤公二年

襄十六年

春三月公會諸侯

晉魯宋鄭曹莒邾薛杞小邾

于溴

梁戊寅甯殖及諸侯大夫盟三年

襄十七年

石買孫蒯伐曹

取重邱四年

襄十八年

夏晉執我行人石買及孫蒯

為曹故

冬

十月公會諸侯

晉魯宋鄭曹莒邾滕薛杞小邾

同圍齊五年

襄十九年

春正

月諸侯

前諸侯

盟于祝柯夏孫林父晉欒訪伐齊六年

襄二十二年

十夏六月公會諸侯

晉魯齊宋鄭曹莒邾滕薛杞小邾

盟于澶淵

齊成故

七年

襄二十一年

晉欒盈亂春公會諸侯

晉魯齊宋鄭曹莒杞小邾

于商任

錮欒氏八年

襄二十二年

冬公會諸侯

晉魯齊宋鄭曹莒杞小邾

于沙

隨復錮欒氏九年

襄二十三年

秋齊伐我自我伐晉十年

襄二十四年

十四年

秋八月公會諸侯

晉魯宋鄭曹莒杞小邾

于夷儀將以伐

齊水不克冬楚伐鄭以救齊諸侯還救鄭十一年

襄二十五年

年夏五月公會諸侯

前諸侯

于夷儀伐齊齊已弑莊公遂

與晉平晉侯使魏舒宛沒逆獻公將使衛與之夷儀齊

崔杼止其帑以求五鹿秋七月諸侯

前諸侯

同盟于重邱

齊成

八月獻公入于夷儀獻公自夷儀使母弟鮒與甯

喜言曰苟反政由甯氏祭則寡人甯喜許之十二年

襄

十六

春二月甯喜殺孫襄

林父

弑殤公剽孫林父以戚

如晉甲午獻公入大夫逆于竟者執其手而與之言道

逆者自車揖之逆于門者領之而已公至使讓大叔儀

曰寡人淹恤在外獨子不在寡人對曰臣不能負羈紲

從扞牧圉罪一臣不能貳通外內之言罪二有二罪敢

忘其死乃行公使止之我侵戚孫林父愬于晉晉成茅

氏殖綽伐茅氏殺晉戍三百人夏六月魯侯會諸侯大

夫

晉鄭
宋曹

于澶淵以討我疆戚田取我西鄙懿氏六十以

與孫氏秋晉執甯喜公如晉晉人執而囚之于士弱氏

齊侯鄭伯如晉請公晉許之冬十二月我歸衛姬于晉

晉乃釋公獻公後元年

襄二十
七年

春石惡會諸侯之大夫

晉魯楚蔡
陳鄭許曹

于宋甯喜專公患之公孫免餘

衛大

攻甯氏

殺喜及右宰穀母弟鱣出奔晉公使免餘為卿辭曰大

叔儀不貳乃使大叔儀為卿秋七月諸侯之大夫盟于

宋二年

襄二十八年

討甯氏之黨石惡出奔晉冬十二月靈

王崩景王立

實以十一月癸巳崩

三年

襄二十九年

夏五月公薨諡曰

獻秋九月葬獻公

左傳

獻公在位十八年出亡殤公立殤公立十二年遇弑獻

公復入入三年薨獻公前後通在位二十一年

襄公

襄公名惡獻公子獻公後三年

襄二十九年

薨襄公即位夏

五月世叔儀會諸侯之大夫

晉魯齊宋鄭曹莒滕薛小邾

城杞六月

吳子使札來襄公元年

襄三十四年

冬十月北宮佗會諸侯之

大夫

晉齊宋鄭曹莒邾滕薛杞小邾

于澶淵宋災故

謀歸宋財既而無歸

二年

襄三

十一年

冬十二月公如楚三年

昭元年

春正月齊惡會諸侯

之大夫

晉楚魯齊宋陳蔡鄭許曹

于虢尋宋盟

宋盟在襄二十七年

四年

昭二年

春晉韓起來聘九年

昭七年

秋八月公薨晉士鞅來弔且

反戚田齊惡告喪于周且請命王使成簡公來弔且追

命公曰叔父陟恪在我先王之左右以佐事上帝余敢

忘高園亞園謚曰襄冬十二月葬襄公

左傳

在位九年

靈公

靈公名元襄公子襄公嬖人嫫始生孟縶孟縶之足不良能行孔烝鉏卿衛夢康叔謂已立元史朝亦夢襄公四

年

昭二年

嫫始生子名之曰元公薨烝鉏立之是為靈公

靈公二年

昭九年

春趙盾及魯宋鄭之大夫會楚子于陳

三年

昭十年

晉平公卒秋九月北宮喜如晉會葬四年

昭十年

一楚圍蔡秋北宮佗會諸侯之大夫

晉魯齊宋鄭杞曹

于厥慙

謀救蔡五年

昭二年

夏公如晉

朝嗣君

六年

昭三年

秋七月公

會周劉子諸侯

晉魯齊宋鄭曹莒邾滕薛杞小邾

于平邱公兄孟縶狎

齊豹奪之司寇與郵又惡北宮喜褚師圃欲去之公子

朝通于襄夫人宣姜

靈公嫡母

懼而欲以作亂故齊豹北宮

喜褚師圃公子朝作亂十三年

昭二年

夏六月公在平壽

齊氏殺孟縶公聞亂乘驅自閤門入載寶以出如死鳥

會齊侯使公孫青來聘遂從諸死鳥請將事辭曰亡人

不佞失守社稷越在草莽吾子無所辱君命賓曰寡君

命下臣于朝曰阿下執事臣不敢貳主人曰君若惠顧
先君之好照臨敝邑鎮撫其社稷則有宗祧在乃止齊
氏之宰渠子召北宮子北宮氏之宰不與聞謀殺渠子
遂伐齊氏滅之公入與北宮喜盟于彭水之上秋七月
朔遂盟國人八月公子朝褚師圃子玉霄子高魴出奔

晉

霄魴並齊氏黨

閏月殺宣姜公子朝尋復入

子朝復入傳無明文十四

年

昭二十一年

宋華氏叛冬十一月公子朝會諸侯之大夫

晉

齊

救宋十五年

昭二十二年

夏四月景王崩子猛立是為

悼王子朝作亂冬十月晉納王于王城十一月悼王崩

母弟敬王立居于狄泉十八年

昭二十五年

夏北宮喜會諸

侯之大夫

晉魯宋鄭曹
邾滕薛小邾

于黃父晉趙鞅令輸王粟具戍

人曰明年將納王十九年

昭二十六年

冬十月晉納王王入

于成周二十年

昭二十七年

秋北宮喜會諸侯之大夫

晉宋
曹邾

滕于扈成周且謀納魯昭公

昭公時
出居鄆

二十五年

昭三十
二年

冬世叔申會諸侯之大夫

晉魯齊宋鄭曹
莒薛杞小邾

于狄泉謀城

成周二十六年

定元年

春正月城成周二十九年

定四年

春

三月公會周劉子諸侯

晉魯宋蔡鄭陳許曹莒
邾頓胡滕薛杞小邾齊

于召陵

侵楚三十一年

定六年

魯侵鄭不假道于我及還陽虎使

季孟自南門入出自東門舍于豚澤公怒使彌子瑕追

之公叔發諫乃止三十二年

定七年

秋齊侯鄭伯盟于鹹

徵會于我公欲叛晉諸大夫不可公使北宮結如齊而

私于齊侯曰執結以侵我齊從之公及齊侯盟于瑣三

十三年

定八年

夏齊伐魯晉師救魯將盟公子刺澤趙鞅

曰誰敢盟衛侯者

以衛叛晉
欲推辱之

涉佗成何

並晉大夫

曰我能盟

之衛人請執牛耳

盟禮尊者沚牛耳主次盟者衛侯與晉大夫盟自以當沚牛耳

成何曰衛吾溫原也焉得視諸侯將軟涉佗按公之手

及挽

擗血至挽

公怒乃叛晉晉人請改盟弗許秋晉士鞅侵

鄭遂侵我九月魯季孫斯仲孫何忌侵我冬公及鄭伯

盟于曲濮三十四年

定九年

秋齊伐晉克夷儀齊侯在五

氏

晉地

公將如五氏卜過中年龜焦公曰可也衛車當其

半寡人當其半敵矣乃過中年中年人欲伐之褚師圃

亡在中年曰衛雖小其君在焉未可勝也不如從齊乃

伐齊敗之齊侯致襍媚杏于我三十五年

定十年

夏晉趙

鞅圍我晉討我之叛故曰由涉佗成何于是執涉佗成

何以求成于我我不許晉人殺涉佗成何奔燕冬公及

齊侯鄭游速會于安甫三十七年

定十二年

夏公孟彊伐曹

克郊三十八年

定十三年

春公及齊侯次于垂葭使師伐晉

河內公惡公叔戌

戌文子公叔發之子

以其富也戌又將去夫人

之黨夫人愬之曰戌將為亂三十九年

定十四年

春公逐公

叔戌戌奔魯其黨趙陽奔宋夏北宮結奔魯

亦黨戌

晉范

中行氏叛晉圍朝歌五月公會齊侯魯侯于牽謀救范中行氏太子蒯瞶將殺夫人南子夫人覺之太子奔宋盡逐其黨公孟彊出奔鄭自鄭奔齊四十年

定十五年

夏鄭

伐宋公及齊侯次于渠蔭謀救宋晉趙稷以邯鄲叛四

十一年

哀元年

夏四月公及齊侯救邯鄲圍五鹿秋八月

公會齊侯于乾侯救范氏孔圉及魯師齊師鮮虞人伐

晉取棘蒲四十二年

哀二年

夏四月公薨諡曰靈

新序衛靈公天寒鑿池宛春諫曰天寒起役恐傷民

公曰天寒乎曰君衣狐裘坐熊席隅有竈民衣敝
不補履決不苴君則不寒民誠寒矣公曰善令罷役
左右諫曰罷役是德歸宛春怨歸于君公曰春也有
善寡人有春之善非寡人之善與王孫子衛君重裘
而坐見負薪而哭者問曰何也對曰雪下衣薄衛君
懼見于色曰為君而不知民孰以我為君于是出倉
粟以賑貧窮又曰靈公坐重華之臺侍御數百隋
侯照日羅衣從風仲叔敖入諫曰昔桀紂行此而亡

今君內寵無乃大盛與靈公再拜曰寡人過矣于是
出宮女數百人 二說不實而宛春之論足為君範

冬十月葬靈公

左傳

博物志衛靈公葬得石槨銘曰不逢箕子靈公奪我
里

靈公在位四十二年

出公

出公名輒太子蒯瞶子靈公適孫也靈公四十二年

哀二

年薨太子得罪出亡乃立輒是為出公是年夏六月晉

趙鞅納太子于戚出公元年

哀三年

春石曼姑及齊國夏

圍戚求援于中山

即鮮虞

二年

哀四年

秋七月甯跪及齊陳

乞救晉范氏圍五鹿三年

哀五年

夏晉趙鞅伐我圍中年

四年

哀六年

秦晉魏曼多侵我八年

哀十年

公孟彊自齊來

歸

定十四年逐大子黨彊奔齊

九年

哀十一年

冬世叔齊出奔宋十年

哀十一年

二年吳徵會于我初衛人殺吳行人公懼秋公會吳于郕

及魯侯宋皇瑗盟而卒辭吳盟吳人藩公之舍子貢說

太宰嚭乃舍公十一年

哀十三年

秋晉魏曼多侵我十二年

哀十四年秋晉趙鞅伐我莊公元年

哀十五年

秋八月晉趙鞅伐

我冬公孟彊出奔齊閏月大子入立是為莊公公出奔

魯

經在十六年從告

自公之出亡也莊公立國人出莊公晉立

襄公之孫般師齊人執般師衛立公子起君起元年

哀十年

八年夏石圃逐君起起奔齊出公自齊復歸逐石圃而復

石魋與大叔遺

皆莊公所逐

是年敬王崩元王立出公後七

年

哀二十五年

夏五月褚師比公子彌牟等作亂公出奔宋

公為支離之卒

支離陳名

因祝史揮以侵衛衛逐揮公館諸

外里使如越請師後八年

哀二十六年

夏五月越臯如后庸

宋樂茂魯叔孫舒帥師納公公孫彌牟致衆而問焉曰

請納之衆曰勿納曰彌牟亡而有益請自北門出衆曰

勿出乃重賂越人申開守陴而納公公不敢入師還立

莊公庶弟公子黜是為悼公出公遂卒于越是年元王

崩定王立

左傳

出公在位十二年出奔魯亡三年復入又七年復出奔

宋前後通在位十九年

史記作二十一年誤

莊公

般師公子起附

莊公名蒯瞶靈公太子也宋公子朝舊通于靈公夫人

南子朝在宋靈公召之靈公三十九年

定十四年

秋齊宋會

于洮太子獻孟

名邑

于齊過宋野野人歌之曰既定爾婁

豬盍歸吾艾豸太子羞之謂戲陽速

家臣

曰從我而見少

君少君見我我顧乃殺之速曰諾乃朝夫人夫人見大

子太子三顧速不進夫人見其色啼而走曰蒯瞶將殺

余靈公執其手以登臺太子奔宋太子告人曰戲陽速
禍余速告人曰太子則禍余太子無道使余殺其母余
不許將戕于余若殺夫人將以余說余是故許而弗為
以紓余死諺曰民保于信吾以信義也四十二年哀二

靈公薨出公輒立夏六月晉趙鞅納太子于戚宵迷陽

虎

魯家臣奔晉

曰右河而南必至焉使太子統

始發喪之服

八人

衰經偽自衛逆者告于門哭而入遂居之荀寅士吉射
叛晉秋八月齊人輸范氏粟鄭師送之晉趙鞅禦之將

戰郵無恤御趙鞅大子為右登鐵上望見鄭師衆大子懼自投于車下無恤授大子綏而乘之曰婦人也趙鞅巡列曰畢萬匹夫也七戰皆獲有馬百乘死于牖下羣子勉之死不在寇大子禱曰曾孫蒯瞶敢昭告皇祖文王烈祖康叔文祖襄公鄭勝亂從晉午在難不能治亂使鞅討之蒯瞶不敢自佚備持矛焉敢告無絕筋無折骨無面傷以集大事無作三祖羞大命不敢請佩玉不敢愛鄭人擊趙鞅中肩斃于車中獲其蠶旗大子救之以

戈鄭師北。大子復伐之。鄭師大敗。趙鞅喜曰：「可矣！」出公。

元年

哀三年

春，齊衛圍戚。初，孔圉娶大子之姊生，惺，孔氏

之豎。渾良夫長而美，孔圉卒，通于內。

良夫通孔伯姬

大子在戚。

孔姬使之焉。大子與之言曰：「苟使我入，獲國服冕乘軒。」

三死無與與之盟，為請于伯姬。莊公元年

哀十五年

冬，閏月

良夫與大子入，迫孔惺于廁，強盟之。遂刼以登臺，出公。

輒奔魯。孔惺立大子，是為莊公。害故政，欲盡去之。先

謂司徒棼，成曰：「寡人離病于外久矣，子請亦嘗之。」歸告。

褚師比欲與之伐公不果二年

哀十六年

春瞞成褚師比出

奔宋公使鄆盼告于周曰蒯瞶得罪于君父君毋逋竄

于晉晉以王室之故不棄兄弟寘諸河上天誘其衷獲

嗣守封焉使下臣盼敢告執事王使單平公對曰盼以

嘉命來告余一人往謂叔父余嘉乃成世復爾祿次敬

之哉方天之休弗敬弗休悔其可追夏四月孔子卒六

月公逐孔悝悝出奔宋秋七月逐大叔遺遺奔晉公與

渾良夫謀召出公輒大子疾

亦莊公子

劫公強盟之求必立

已且請殺渾良夫三年

哀十七年

春大子殺渾良夫晉趙鞅

召公若大子來公辭以難大子又使栾之夏六月趙鞅
圍我齊救我鞅乃還冬十月晉復伐我入其郭我出公
而與晉平晉立襄公之孫般師而還十一月公自鄆入
般師出初公登城以望見戎州問之以告公曰我姬姓
也何戎之有焉翦之公使匠久又欲逐石圃辛巳石圃
因匠氏攻公公閉門而請弗許踰于北方而隊折股戎
州人攻之大子疾公子青踰從公戎州人殺之公入于

戎州已氏初公自城上見已氏之妻髮美使髡之以為
呂姜鬣既入焉而示之璧曰活我吾與女璧已氏曰殺
女璧其焉往遂殺之而取其璧國人復公孫般師而立
之十二月齊人伐我我請平立靈公子起執般師以歸
舍諸潞齊邑君起元年哀十八年夏石圃逐君起起奔齊出公
輒自齊復歸左傳

莊公為太子出亡十六年入立為諸侯在位三年遇弒
謚曰莊般師凡兩立隨廢公子起在位一年

悼公

以下戰國

敬公

昭公

懷公

慎公

聲公

成侯

平侯

嗣君

懷君

元君

君角

悼公名黜

系本名虔史記作黜

莊公庶弟悼公元年

哀二十六年

越人帥師納出公不克而還

我立公子黜是為悼公

史記出公季父黜攻出公子而自立

公孫彌牟相之

以城鉏

衛邑

與越人

左傳

悼公五年薨

紀年四年卒于越

子敬公弗即位

世本作費

敬公十九年薨子昭公糾即位

系本敬公生橈公舟非是

是時三晉彊衛如小侯屬之昭公三年定王崩考王立

六年公子亶弒公代立是為懷公懷公十一年公子頹

弒懷公而代立是為慎公慎公父公子適

系本適作虔虔悼公也

適父敬公也慎公元年考王崩威烈王立二十五年威

烈王崩安王立四十二年慎公薨子聲公訓即位

系本作聖

公聲公十年安王崩烈王立十一年聲公薨子成侯速

即位

系本作不逝按上穆公名
逝不得成侯更名速系本是

成侯十六年衛貶號曰侯二十九年成侯薨子平侯立

平侯八年薨子嗣君立

紀年作
孝襄侯

嗣君五年更貶號曰君

獨有濮陽

史世家

衛嗣君時胥靡逃之魏衛贖之百金不與乃請以左氏

衛地羣臣諫曰以百金之地贖一胥靡無乃不可乎君曰

治無小亂無大教化喻于民三百之城足以為治民無

廉恥雖有十左氏將何以用之四十二年嗣君病富術

謂殷順旦

並衛人

曰子聽吾言以說君勿益損也君必善

子人生之所行與死之心異始君之所行于世者食高

麗也

言養男
豐厚

所用者縹錯挈薄也

二臣名

羣臣盡以為君

輕國而好高麗必無與君言國事者子謂君君之所行

于天下者甚謬縹錯主斷于國而挈薄輔之自今以往

公孫氏不血食矣

公孫氏
衛國姓

君曰善與之相印曰我死子

制之嗣君死殷順旦以君令相公子期縹錯挈薄之族

皆逐之

國策

公子期蓋即懷君也懷君三十一年朝魏魏囚殺懷君
魏更立嗣君弟是為元君元君為魏璿故魏立之元君
十四年秦拔魏東地初置東郡更徙衛野王縣而并濮
陽為東郡二十五年元君卒子君角即位

年表元君十一年秦置東郡十二年徙野王二十二
年卒說異

君角九年秦并天下立為始皇帝二十一年二世廢君

角為庶人衛絕祀

史記

贊曰春秋之際衛亂最甚桓公弑于州吁伋子戕于子朔懿公滅于狄成公濫叔武之誅獻公構孫甯之禍靈公逞宣姜之亂莊公出公逆天滅紀父母兄弟相為仇讐噫使周公秉成衛誅為先矣乃享國數十葉後諸侯亡由康叔善樹武文善承而衛多君子之故與

尚史卷十三